

IHUAQHAUYINIQ TALVANI NUNAVUT INUNGNUT PILARUTIT APIQHUIYIRALAAT (NHRT)

Hunauva Ihuaqhautyiniq?

Ihuaqhautyiniq pivikhauyuq taphumunga Tukhiraqtuq tamnaluk Kiuyuq(yut) (tapkuat "Piqatauyut") uqauhiriyangi tapkuat allautyutai pinahuaqtainut utiqtitni naamaguhukniqmik inmingnut. Tamna akitilaq pivikha piyauni atugakhaliat inirtiqnialu tamna ihuaqhautyiniq naahuriyuyq pilaqninut tamna Tukhiraqtuq, tamna Kiuyuq(yut) tamnaluk ihuaqhaiyi inirtiqnianik tamna ihuaqhautyiniq.

Ihuaqhautyiniq tamna ikayuqtut ikayuqtigiklutiklu pityuhiq. Pivakniqhaq tapkuninga pipkainiq kinamikliqak, kihimiktauq ikayurniq tapkuat Piqatauyut nalvarni ihuaqhautit tamatikknut naamaktut, ilaliutyaqni Inuit inuuhit pinariyai. Kinaliqak "akingittuq" uvaluniit "haalaungittuq" talvani ihuaqhautyiniq.

Katimayiuyuq tapkunani Apiqhuyiralaat tamnaluk/uvaluniit tamna Apiqhuyiralaat ihuaqhaiyi talvanitniaq kamagininiq ikayuqnilu tamatikknik Piqatauyut atuqtitlugu tamna pityuhiq. Aturniqhamik, tamna ihuaqhaiyi ihumaliulaittuq tamna qanuritnianik. Kihimik, tapkuat Piqatauyut pinahuaqniat nalvaqni naamaktumik ihuaqhaut inmingnut.

Tamna ihuaqhaiyi talvanittuq naalakhuni tamatikknik Piqatauyut ikayuqnilu nalvarniq apqutikhamik ihuaqhautinut. Tamna ihuaqhaiyip havanga ilaqalaq ikayuqni tapkuat Piqatauyut tuhaumatyutini, qiniqni ihuaqhautaulaqtunik tapkununga, ikayuqnilu naunaiyaqni atulaqtainik. Kihimik, tamna ihuaqhaiyi piqaqtitilaittuq maligaqnut uqautyiniq naliaknut Piqatauyumut.

Tamna angirut uvaluniit ihuaqhaut piyauyuq kihimik tamaita Piqatauyut angiqata. Pikpata Piqatauyut pitangitpagit angirut, tapkuat pityutat tuniyauniaq naalakvikmun tapkuatlu Apiqhuyiralaat naunaiqniaqtat tamna ihuityutauyuq.

Tapkuat Ihuaqi Ihuaqhautyiniq

Ihuaqhautyiniq piqartuq amihunik ihuaqutai, ilautitlugit:

- Ihuaqhautyiniq ilaliutyailaq Inuit Qaujimaqtuqangit ihumagiyauni, ilautitlugit naalakniq, tamatikhimaniq, ihumaliurniqlu atuqhugu uqaqtigikniq angiqatigikniqlu. Tapkunani naamakkangat, tapkuat Apiqhuyiralaat tiliurilat taphumunga Apiqhuyiralaat kilauyuq piqartuq ilitquhiit ilihimanit piqataunia talvani ihuaqhautyiniq.
- Ihuaqhautyiniq tamna quyagitnaq tuhaqtaulaittuq inmigurniqlu pityuhiq
- Pinahuaqtai nalvarniq ihuaqhautmik, pihimaittumik ilagiarut akituniq, ihumaalut hivuranarniqlu taphuma inungnut naalakvik

- Ihuaqhautyiniq aminiqhanit titiqatigut atungitniqhaq atuqtaunia, tapkuat piqatauyut unipkalaqtat unipkauhirtik
- Pityutaulaq tapkununga Piqatauyut naamakhigiaqni ihuaqhaqnilu huruqhimayut piqatigiknit
- Piplugit tapkuat Piqatauyut (tapkuangungittuq Apiqhuyiralaat) naunaiqni tapkuat qanuritnit, tamna ihuaqhautyauuniq angirut nakuuqpialaq tapkunangunganit Apiqhuyiralaat ihumaliurut qanitniqhamiklu nalaumani tapkununga Piqatauyut piyaqaqnit piyumayailu

Kina llaulaq taphumunga Ihuaqhautyauuniq?

Ihuaqhautyauunit atuqpaknirhat atqutauni hivayautikkut uvaluniit tautugutiplutik katimaniq. Tamna Tukhiraqtuq tamnalu Kiuyuq ilayut, atunilu pilat nakhaqni kivgaqtuqtit, tamna inutuqaq uvaluniit ikayuqtuiyuq inuk ikayuriangi tapkuat.

Inutuqat tunngahuktitauyut havaqariangi talvani ihuaqhautyauuniq, tamatkiknik ikayuqtuuniq tapkuninga Piqatauyunik ikayuqtuiniqlu taphuminga ihuaqhautyauuniq pityuhiq. Piqatauyut qaitquiyut inutuqaqnik ilauninut yaphuminga ihuaqhautyauuniq piqatigilugit uqauhirakhait tapkuat havakhai pitquyai inutuqaqmik atuqtakhanik.

Tapkuat Apiqhuyiralaat ihuaqhaiyi tamnalu/ualuniit tamna Apiqhuyiralaat katimayi hatqiqititniaqta kamagilugitlu tamna ihuaqhautyauuniq.

Huna tamna Ihuaqhautyauuniq Pityuhiq?

Hivuani tamna Ihuaqhautyauuniq: Pikpata tamaita Piqatauyut angiqni piqatauniq talvani ihuaqhautyauuniq, tapkuat Apiqhuyiralaat apiriniaqta atuni Piqatauyut sainiqnia [ihuaqhautyauuniq angirut](#). Ahiilu hunat, tamna ihuaqhautyauuniq angirut atuqpiaqta quyagitnaq tuhaqtaulaitnia unniqtuqnilu tapkuat havanga ihuaqhaiyip.

Pikpat tamna ihuaqhautyauuniq angirut sainiqtaukpat, tamna ihuaqhaiyi turaqniaqta tapkuat Piqatauyut atuni nalvanianut naamaktumik ublukha ihuaqhautyauuniq kiunilu kitutliqak apiqutigiyai.

Talvani Ihuaqhautyauuniq: Amihuniqhat ihuaqhautyauunit havaktauyut hivayautikkut uvaluniit tautugutiplutik qaritauyakkut katimanit. Tamna ihuaqhaiyi pigiaqniaqta tamna ihuaqhautyauuniq uqaqatigilugit atuni tapkuat Piqatauyut, pigiaqvigiplugu tamna Tukhiraqtuq.

Tapkuat Piqatauyut hannaiyariaqangittut titiqatigut uqauhiqnik. Ihuaqhautyauuniq tamna titiqatigungittut pityuhiq, piniaqhimayuuq pipkaqni tapkuat Piqatauyut unnirtuqni unipkauhiqtik piplugit ilitquhit inmingnut. Tamna ihuaqhaiyi naalakniaq ilainiklu apiqhulaq apiqutinik. Ilagiplugit tahapkuat hivulliqmik katimanit, tamna ihuaqhaiyi

pinahualaq nakuutqiyamik kangiqhini qanuritnit atuni piqatauyut qiniqtai qanuqlu nakuuniqhamik kamagini tapkuat uqaqatigiknit.

Naahuriplugit tapkuat qanuritnit piyaqaqtailu tapkuat Piqatauyut, tamna ihuaqhaiyi apirilaqtai tamaita tapkuat Piqatauyut piyangi “katitni” hivayautaikkut uvaluniit qaritauyakkut tautugutilutik. Ilaini pityutit, kihimik, naamakniqhauniaq taphumunga ihuaqhaiyi katiqattaqni atuni tapkuat Piqatauyut.

Pikpata tapkuat Piqatauyut angiqatigikni ihuaqhautmun, tamna ihuaqhaiyi ikayulaqtai hannaiyaqni titiraqhimayuq angirut. Hivuani sainqiniahaqlugu, tapkuat Piqatauyut pivikhaqaqniat naunaiyaqni tapkuat titiqat uktutigitlu kitutliqak allanguqni ihumagiyagtik naamakni. Kinguagut tamna ihuaqhaut iniqat, tapkuat Apiqhuuyiralaat tunihyut ihumaliurutmik umikniani tamna titiraqut.

Qanuqtut Hannaiyalaqinga taphumunga Ihuaqhautyauniq?

Aturumalaqtutit pivikhanik ihumaliuruta tamna pityutit: hunanik pitquvigit tapkuat kirariyat kangiqhininik hunanik atuqtarnik? Hunamik piyumavit nakuuhivalliqninik kangiqhimani tapkuninga ahii Piqatauyut atuqhimanit? Hunanik ihumavit piyaliknik piyaqaqni ihuaqhautit?

Itqaumalutit tamna ihuaqhautyauniq piyuq nalvaqni tamaitnut naamaktut ihuaqhautit. Ikayuqhiutiuyuq tapkununga Piqatauyut upautini ihuaqhautyauniqmun hunamik quyagitnaq ihumagiyakhanut, piyumaniq qiniqni atulat ihuaqhautit, kangiqhimaniqlu tamna pityuhiq akinahurutaungittuq uvaluniit haalautyutaungittuq.

Apiqutit

Apiqutikhaqaruvit, turaqvigilugit tapkuat havakti talvani Inungnut Pilarutit Apiqhuuyiralaat (takulugu turarut makpiraq).